

**UPRAVA DRUŠTVA****GENERALNA DIREKCIJA**

Broj: U.D-01-3.2-17256/17  
Sarajevo, 06.11. 2017. godine

Na osnovu člana 45. Statuta, člana 70. Zakona o javnim nabavkama BiH ("Službeni glasnik BiH" broj: 39/14), Pravilnika o javnim nabavkama i preporuke Komisije za nabavku robe: Informatičke opreme, broj: 07.4-13.73.-9075-31/17 od 27.10.2017. godine, Uprava Društva na 127. elektronskoj sjednici održanoj dana 06.11.2017. godine, d o n o s i:

**ODLUKU  
O IZBORU NAJPOVOLJNIJEG PONUĐAČA**

Ovom Odlukom vrši se izbor najpovoljnijeg ponuđača: "**COMMERCE ENGINEERING**" d.o.o. Mostar, u postupku nabavke robe: Informatičke opreme, **LOT 1- Računarska oprema za krajnjeg korisnika**, sa ukupnom vrijednošću od **268.846,83 KM bez PDV-a, odnosno 314.550,79 KM sa PDV-om.**

**II**

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

Izabrani ponuđač nije dužan dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji obzirom da je uz ponudu i zahtjevane izjave istovremeno dostavio i tražene dokaze.

**O B R A Z L O Ž E N J E**

Na osnovu Odluke o pokretanju postupka javne nabavke robe: Informatička oprema broj U.D.01.3.2-10287/17 od 21.06.2017. godine i Odluke o izmjeni i dopuni Odluke o pokretanju postupka nabavke broj U.D.01.3.2-12683/17 od 09.08.2017. godine, Komisija je provela postupak javne nabavke, putem otvorenog postupka, sa objavljivanjem Obavještenja o nabavci 238-1-1-606-3-156/17 od 30.08.2017. godine na Portalu javnih nabavki.

Predmetna nabavka je podijeljena u 2 LOTA, i to:

- **LOT 1 - Računarska oprema za krajnjeg korisnika**
- **LOT 2 - Serveri za šalter salu**

Na Protokol Društva do roka određenog za prijem ponuda (22.09.2017. godine do 12:00sati), pristigle su ponude slijedećih ponuđača za LOT 1:

**LOT 1 -Računarska oprema za krajnjeg korisnika :**

1. "**COMMERCE ENGINEERING**" d.o.o. Mostar, Alajbegovića broj 3, 88000 Mostar

S obzirom da je tačkom 6.1. tenderske dokumentacije propisano da će se u ovom postupku javne nabavke provesti e-aukcija na Portalu javnih nabavki, te kako je komisija utvrdila da je za predmetnu nabavku pristigla jedna prihvatljiva ponuda, u skladu s Pravilnikom o uslovima i načinom korištenja e-aukcije („Službeni glasnik BiH" broj 66/16) se nisu stvorili uslovi da se ista zakaže.

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

**LOT 1 -Računarska oprema za krajnjeg korisnika :**



**GENERALNA DIREKCIJA**

1. Da ponuda ponuđača "COMMERCE ENGINEERING" d.o.o. Mostar, sa ukupnom vrijednosti ponude, bez uračunatog PDV-a u iznosu od **268.846,83 KM**, ispunjava sve pravne, ekonomske i tehničke uslove utvrđene tenderskom dokumentacijom. Obzirom na navedeno, ponuđač je pozvan na tehničko testiranje opreme-štampanje za šaltere-passbook sa predloženim terminom 10.10.2017.godine u 13:00 sati u šalter Sali Pošte 71101 Sarajevo, Ul. Obala Kulina bana broj 8, 71000 Sarajevo. Testiranje je izvršeno u navedenom terminu uz prisustvo predstavnika Komisije za tehničko testiranje opreme i predstavnika ponuđača gdje je konstatovano da je testiranje izvršeno u skladu sa uslovima propisanim tenderskom dokumentacijom te je ponuđač proglašen tehnički prihvatljiv za ugovorni organ o čemu je sačinjen zapisnik sa testiranja od 10.10.2017.godine, a koji je uručen predstavniku ponuđača. S obzirom da ponuda ponuđača "COMMERCE ENGINEERING" d.o.o. Mostar prelazi iznos procijenjene vrijednosti nabavke za LOT 1, odnosno iznos od 264.450,00 KM, nosilac posla je poduzeo sve neophodne aktivnosti u cilju dobijanja neophodnih saglasnosti nadležnih organa Društva za odobravanje dodatnih sredstava za predmetni LOT, te je na osnovu svega naprijed navedenog ponuda imenovanog ponuđača ocijenjena kao formalno-pravno, ekonomski i tehnički prihvatljiva.

Obzirom da ponuda ponuđača "COMMERCE ENGINEERING" d.o.o. Mostar u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove tj. zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u postupku nabavke robe: Informatička oprema, LOT 1- Računarska oprema za krajnjeg korisnika, da se izvrši dodjela navedenom ponuđaču, kao najpovoljnijem, a koja iznosi **268.846,83 KM bez PDV-a, odnosno 314.550,79 KM sa PDV-om.**

Cijeneći navedeno, donesena je Odluka kao u dispozitivu.

**PRAVNA POUKA:**

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 10 dana po prijemu odluke o izboru shodno članu 99. i članu 101. Zakona o javnim nabavkama i to radnim danima u radno vrijeme.

  
**GENERALNI DIREKTOR**  
  
**mr. sci. Mirsad Mujić**

**Dostaviti:**

- Sektor za RIS (Nosilac posla)
- Sektor za EKF
- Marketingu (za objavu)
- Odjeljenje za J.N.
- Ponuđaču (putem komisije)
- a/a

